

Pengerusi MIC Pulau Pinang Meninggal Dunia
Bernama
18 April , 2012

BUTTERWORTH, 18 April (Bernama) -- Pengerusi MIC Pulau Pinang Datuk P.K. Subbaiyah meninggal dunia di rumahnya di Taman Meranti, Bagan Ajam di sini pagi Rabu.

Mendiang berusia 63 tahun.

Ketua Pemuda MIC Negeri J. Dhina ketika dihubungi berkata beliau menerima panggilan telefon daripada keluarga Subbaiyah pada pukul 5.30 pagi yang memaklumkan bahawa Subbaiyah telah meninggal dunia.

Mendiang dipercayai meninggal dunia akibat serangan jantung ketika dalam tidur.

Bekas Anggota Exco Kerajaan Negeri dan Anggota Dewan Undangan Negeri kawasan Prai selama dua penggal itu dilantik sebagai Pengerusi MIC negeri sejak tahun 2009 dan beliau dilantik sebagai Senator pada April tahun lepas.

Subbaiyah meninggalkan seorang isteri Vallini serta dua orang anak, Gowri dan Ganesh.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=660087>